

apice hirsuto excepto glabro aphylo vel ad basin folio parvo obsito, foliis radicalibus rosulatis oblongis basi sessili modice attenuatis breviter acutatis remote repando-paucidentatis glabris ad marginem nervumque medium dense ciliatis, capitulo magno, involucri nigri dense et longe albo-hirsuti phyllis lineari-elongatis obtusis margine integro praesertim superne dense tomentosus, floribus involucri longe superantibus luteis ligulis glabris apice profunde 5dentatis, acheniis rugulosis in rostrum longum sensim attenuatis fuscis. pappo plumoso eis brevioribus coronatis. Floret julio, augusto.

Caulis 10—20 cm altus, folia 7—8 cm  $\times$  2 cm, involucrium 2 cm  $\times$  1 1/2 cm.

In pratis alpinis m. Vitoša legi a. 1889.

Habitu refert haec species gracilem *H. unifloram* Vill., a qua jam phyllis involucri margine non ciliatis discedit. Hac nota magis affinis est *H. maculatae* L., quae autem foliis obverse lanceolatis vel obovatis obtusis vel mucronatis utrinque hirtis, statura robustiore, caule saepe ramoso toto aspero-hirto infra capitulum minus evidenter incrassato, indumento capituli pauciore et brevioribus, phyllis apice longe et tenuiter acuminatis longe distinguitur. Nostra planta est identica cum ea, quam mecum *Petrovič* ad Pirot in Serbia lectam benevolenter communicavit.

### Rodigia Spr.

- R. bulgarica** sp. n. ☉ Annuā, pilis crispulis hirtula, ad foliorum paginam superiorem fere glabrescens, caule erecto unico rigidiusculo in ramos 1—2cephalos longos diviso, foliis radicalibus rosulatis in petiolum brevem attenuatis spatulato-oblongis pinnatipartitis et acute minuteque cartilagineo-denticulatis, caulinis paucis a basi sessili acute auriculata 2—3fida lanceolatis tandemque linearibus, capitulis mediocribus pedunculis longis non incrassatis suffultis, involucri phyllis praeter pubem brevem glanduloso-hirtis externis dimidio brevioribus linearibus demum patulo-incurvis internis fructiferis lineari-lanceolatis acuminatis tandem dorso indurato obtuse carinato subcurvatis, paleis albis rostro acheniorum haud brevioribus anguste linearibus aliisque totis setaceis intermixtis omnibus tenuissime setaceo-acuminatis, acheniis internis

lineari-fusifformibus in rostrum filiforme duplo longius attenuatis, externis multo brevioribus crostris, omnibus minute scabridulis striatulisque.

In planitie calida prope Sliven a. 1886 legit amic. Škorpil.

Caules 10–30 cm alti, folia radicalia plurima 3–6 cm × 10–15 mm, capitulum sub fructu (sine pappo) 10 mm × 7 mm, achenium cum rostro 10 mm longum. Planta gracilis *Crepidi foetidae* summo-pere similis, ab ea autem paleis, capitulis paulo minoribus, pedunculis non incrassatis statim dignoscitur. *R. commutata* Spr., cujus specimina attica comparo, differt a nostra specie statura haud majori, foliis minus partitis magis hirtis, capitulis paulo majoribus et longioribus, involucro setis densis praelongis non glanduliferis vestito, acheniis internis (15 mm longis) in rostrum quadruplo longius attenuatis externis semper longe rostratis, paleis omnibus planis linearibus.

### Scolymus L.

- S. hispanicus** L. ☉ In ruderalis, asperis et ad vias regionis calidae inferioris. Ad Dubnica, Kočerino, Rilo Selo (Vel), Varna (Vel), Philippop., Dermendere (Vel), Kalofer (Stf).

*Ar. geog.*: Reg. mediter., Dobrudsch., Canar., Mad., Cret., reg. Pont., Bith., Anat., Syr.

### Cichorium L.

- C. Intybus** L. ♀. Ad vias, in ruderalis et otiosis a planitie ad regionem montanam usque per totum territorium vulgare.

*Ar. geog.*: Eur. omnis, Oriens, Songar., Sibir.

- C. divaricatum** Schousb. ☉ (*C. pumilum* Jcq., *C. nanum* Prtschl.). In vineis, ruderalis et ad vias prope Varnam (Brn), ad Sadovo (Stf).

Caule plus minusve divaricatim ramoso vel interdum nano simplici, capitulis nonnullis longissime crasseque pedunculatis, pappo achenio 10plo brevior a praecedenti dignoscitur. (Confer. *Bornmüller*, Botan. Centrblt. IX.)

*Ar. geog.*: Eur. mer., Oriens, Ross. mer., Aegypt.